


**БАЛАБАҚША  
БАЛАЛАРЫНА  
АРНАЛҒАН  
ШАТТЫҚ  
ШЕҢБЕР  
ЖИНАҒЫ**





*Қол ұстасып, дөңгеленіп,  
Тұра қалдық екеуміз.  
Өзіміз де дөңгелек  
Күнге ұқсайды екенбіз*

*Аманбысың ,алтын күн!  
Аманбысың, жарқын күн!  
Маған жылу, жарық бер,  
Қуаныш пен шаттық бер.*

*Мына аспан астында  
Жақсы дос көп табылар  
Мен де соның бірімін,  
Сыйлығымды қабыл ал!*

*Жарық болса күніміз.  
Жарқын шығар үніміз.  
Елін сүйіп ержетер  
Біз болашақ гүліміз!*






*Достарымның барлығын,  
Сыйлап, жақсы көремін.  
Алақаным арқылы  
Жылуымды беремін.*

*Сиқырлы айнадан  
Өзімді көремін.  
Бақыттан жайнаған.  
Көзімді көремін.*

*Асапан ашық, көгілдір  
Күн шуағын төгіп тұр!  
Қол ұстасқан біздерді,  
Тереземнен көріп тұр.*






*Күн жылуын аямасын,  
Шуағын аяласын.  
«Достық» деген бәйтеректі  
Барлық бала саяласын*

*Шаттанамын, күлемін,  
Бақытты боп жүремін.  
Қатар тұрар шеңберде  
Досым көбін білемін*

*Күн шуағын жинаймын.  
Достарыма сыйлаймын.  
Күн жылуын аямасын,  
Шуағымен аяласын.  
Достық деген бәйтеректі  
Барлық бала саяласын.*






*Аспан ашық , көгілдір,  
Күн шуағын төгіп тұр  
Қол ұстасқан біздерді  
Тереземнен көріп тұр.*

*Күнім күліп арайлы,  
Тереземнен қарайды.  
Достарыммен шеңберге,  
Тұрғанымды қалайды*

*Бақыт толы шеңберге,  
Шаттық толы шеңберге,  
Қол ұстасып келдік біз,  
Жан достармыз енді біз*






*Шақырамын сендерді  
Жолдастарым кел бері  
Толтырайық шаттыққа,  
Дөнгеленген шеңберді.*

*Бақыт деген-  
Осы шаттық шеңбері  
Қол ұстасып  
Тұрайықшы , кел бері.  
Бақыт деген-  
Көрмей қалса сағынып,  
Мені іздейтін  
Адал жүрек сендегі.*

*Ал, балалар тұрамыз,  
Айналаны шоламыз.  
Жауқазындай жайқалып,  
Бәйшешектей иіліп,  
Сәл тынығып аламыз.  
Біз гүлдерше өсеміз,  
Жапырағы жайқалған.  
Сабақтары салалы,  
Желге ырғалып шайқалған.*






*Кел, балалар, күлейік,  
Күлкіменен түлейік!  
Қабақ түйген не керек,  
Көңілді боп жүрейік!  
Кел, балалар, күлейік!  
Күлкіменен түлейік!  
Күлкі көңіл ашады,  
Күліп өмір сүрейік!*

*Көтеріліп шаңырақ,  
Уықтары шанышылар.  
Керезелер керіліп,  
Өрімдей боп өрілер.  
Бәріміз жүрсек айналып,  
Киіз үй болып көрінер.*

*Көк аспанда күн күлсін  
Бірге күлсін бүлдіршін.  
Көк аспанда күн күлсін  
Жерге ұдайы нұр құйсын.*






*Күлімдеген күн мейірімді!  
- Кіршіксіз ақ қар мейірімді!  
- Таза мөлдір су мейірімді!  
- Бәрімізді көтеріп тұрған жер мейірімді!*

*Күн нұрындай көңілім,  
Даламдай кең пейілім.  
Жүрегім толы мейірім,  
Бәріне ортақ шуағым,  
Қайырымды боламын.*

*Жарқырап күнде ашылды,  
Айналаға нұр шашылды.  
Қайырлы күн! Біз көңілді баламыз!  
Қайырлы күн! Біз сүйкімді баламыз*







*Қуанамын менде, қуанасың сен де.  
Қуанайық достарым,  
Арайлап атқан күнге.  
Бүгінгі күніміз сәтті өтсін.  
Сәттілік тілеймін бәріңе*

*Қол алысып, қәне, біз,  
Достасайық бәріміз.  
Айтарым бар сендерге,  
Тез тұрыңдар шеңберге.  
Қандай жақсы бір тұру,  
Достарменен бір жүру!  
Қандай жақсы дос болу!*

*Аспанда күн жарқырайды алақай.н  
Атқан таңға иіліп бір сәлем беріп,  
Бақыт тілеп бір-бірімізге осылай.  
Қайырлы таң! Қайырлы күн!*






*Күнмен бірге тұрамыз ,  
Құспен бірге ән саламыз  
Қайырлы таң! Ашық күн!  
Көңілді біз баламыз.*

*Жылы-жылы жүзбенен  
Күлімдейін қарайын  
Жылы-жылы жүзбенен  
Жүрегімді сыйлайын.  
Амандасып өзіңмен  
Құшақтасып алайын*

*\* Достар бірге жүреміз  
Бірге ойнап күлеміз  
Бірге балық аулаймыз  
Міне біздер қандаймыз*






*Қайырлы таң балалар!  
Жарқырады қаламыз,  
Жайнай түсті даламыз,  
Қайырлы таң балалар!  
Аман Отан панамыз,  
Аман ата-анамыз,  
Қайырлы таң балалар*

*Арайлап таң атты,  
Қайырлы таң балалар!  
Алтын шапақ таратты,  
Әлемде нұр тыныштық,  
Әрбір бейбіт күн ыстық!*

*Ерте тұрып күнде мен  
Тереземді ашамын.  
Сәлем деймін күнге мен  
Шаттық әнге саламын.*






*Жарық болсын күніміз  
Жарқын болсын үніміз  
Елін сүйіп ер жетер  
Біз болашақ гүліміз*

*Арайлап таң атты  
Алтын сәуле таратты,  
Шашып бізге шапағын,  
Тілейміз сізге ақ таңның,  
Қуанышым, шаттығын  
Қайырлы таң!  
Қайырлы күн!*

*Біз балдырған тең басқан  
Дос құшағын кең ашқан  
Тілегіміз тыныштық  
Ашық болсын кең аспан  
Мықты болсын іргеміз бәрімізде біргеміз*






*Ертемен ақ пейілмен:  
«Қайырлы таң!» - деймін мен.  
Күндіз де елді елеймін:  
«Қайырлы күн!» - тілеймін.  
Үйге кешке келемін,  
«Кеш жарық!» - деп кіремін*

*Армысың қайырымды аспан ата,  
Армысың қайырымды жер ана,  
Армысың қайырымды алтын күн,  
Куан, шатан, алақай  
Келді міне, жарқын күн.*

*Қайырлы таң, қайырлы күн  
Қайырлы таң, қайырлы күн.  
Кәне, кәне тұрайық,  
Үлкен шеңбер құрайық.  
Тұрсақ егер шеңберге,  
Алақанды ұрайық*





*Армысың, шұғылалы нұрлы күн!  
Армысың қасиетті Жер – ана!  
Армысыңдар менің достарым.  
- Күніміз жарқын болсын!  
- Аспанымыз ашық болсын!  
- Деніміз сау болсын!  
- Күніміз сәтті болсын!*

*Қайырлы таң, құсқа, аңға да,  
Қайырлы таң, жайдары жанға да,  
Қайырлы таң алға ассын,  
Кешке дейін жалғассын!*

*Отбасында гүліміз,  
Көңілді өтер күніміз.  
«Қайырлы таң!» деп айтамыз,  
Бір болып кеште қайтамыз.*

